

皇清文穎續編

皇清文穎續編卷五十六

詩

樂府

聖駕東巡恭謁

祖陵樂府歌辭九篇

謹序

德保

皇上御極之四十有八年秋八月乙亥自灤陽

啟鑾前詣

陪京四謁

三陵續舊服崇大典也

臣

謹案上陵之禮原本禮經

事先如存蔡邕以爲天子用心周密其禮雖煩而不可省者說者謂史記武王九年上祭於畢其權輿也漢明帝永平元年率公卿已下朝於原陵二年幸長安祠高廟遂有事於十一陵三年車駕從幸章陵觀舊廬十年幸南陽祠章陵夫漢明繼體守文之君猶崇本篤舊數數舉行元會之儀武德之舞大予之樂鹿鳴之奏史臣

每倭陳其盛我

聖主敬

祖法

天適追來孝彙自乾隆八年十九年四十二年三次

展謁

山陵覲

光揚

烈之盛勤勤拳拳著於

詩篇臚於

綸誥儀文祭備謨訓同昭今復明禋告虔展

聖懷之遠慕者洪惟

國慶洵臻

天庥滋至顯融景鑠適際其隆

臣

禮官也忝領秩宗

欣維數大禮之慶成實有非自古帝王所得等

量者有如宗廟六享之禮在周官爲吉禮

上敬奉

列朝

寶冊尊藏

盛京

太廟

申命

皇子宗藩及廷臣先期恭送啟行而

宗廟之嚴至矣大役任衆之事莫如修繕城墉在周

官爲軍禮前此奉

命興修奉天錦州各屬之十八處城垣依限以次葺
工一勞永逸式固金湯而都邑之觀備矣周官
以狸沈祭山川所以致禱祀之實而交孚乎隱
顯之際也今

北海神廟則建於山海關

松花江神廟則建於吉林而遼河渾河亦並崇

廟祀俱屆落成正千載之典祀徧百神之懷柔而
禋望咸秩矣周官以道藝興賢能所以致賓之

之實而樂得夫天府之登也今則新構

文溯閣層櫺聳峙適居

欽定四庫全書第二分告成館臣奉

使齋持兼兩整綴籤厨充策府廣書林耀蓬瀛光東

壁而人文化成矣若減從卹役蠲租賜復閱武

較射行圍蒐獮朝賀燕饗肆赦諸大典則悉如

初禮不遑殫述

臣

德保雖不獲扈隨

豹燾奉

法駕之

清塵陳從臣之嘉頌而欣忭之私不能自已謹就
見聞所及擬爲樂府歌辭鋪述典禮之鉅者於
篇篇爲之題題各系序深慙舛鄙不文用以當
堯衢謠諺云爾

五雲翔

上追孝

山陵躬勤拜掃至於三至於四弗懈益虔爲五雲翔

第一

五雲翔氣青蔥

叶

松雲鬱鬱山蒼蒼恢

宏業迪

前光欽誦

實錄企

二京

叶

衍繹

戰圖思

武功

叶

聳誠翹心篤不忘三厯邠岐越鄠豐

叶

歲經

再閨惕露霜一誠通

叶

聖孝昌

天瑞臻

神保饗

叶

祥烟結甘露降

叶

延嘉藎薦馨香啟萬葉

皇受慶祚流行福滂洋

右五雲翔一章二十二句

寶冊輝

上命典瑞鑄造

寶冊告成敬奉舊者尊藏

盛京

太廟

謨烈昭垂萬年增慶爲

寶冊輝第二

於恤

太室有眷自

天

天眷惟篤地寶畢臻光騰葱嶺玉珎和闐爰
勅國工是斲是鐫

華藻精珍

九廟所弄德煥几筵淑流簋俎祚慶孔長

靈貺多祐往安于

京

王氣所聚

涓日練時于

京薦

廟堦室烟煜璿除汎埽疇領祠官疇司禮料駢馬朱軒
帝車先導

神鄉福壤置尹建畿刮楹達嚮繕宇增基舒薰闕寢
典寶嚴闡增光

追養四璉六葵

右

寶冊輝四章章八句

鞏層譙

上鑾邈所臨適奉天所轄十八處城垣葳績橋道畢

修爲鞏層譙第三

黃圖紫縣環

東畿經絡上應尾與箕大瀛日掛扶桑枝金墉鐵廓
相參差井廬櫛比分高庠層譙峻堞丹碧輝大役甫
葳星五移司空董作民子來直若繩引圓若規屹如
壁立山不虧迴合萬雉連千埤襟帶川澤縈巖嵯呀

爲濬洫間以扉列峙雙闕通九達德產饒溢如京坻
神臯沃土宜耕犁民安惇樸風恬熙何有護塞及捍
陞秋宇澄霽空氣霾我

皇四舉東巡儀冠帶輻輳纒與珪艱難締構

深長思一新崇峻恢

慶基

奎章炳煥天漢垂歡迎父老集耆鮒頌

萬年受祉延禧重望

幸羣情孔皆

右輦層譙一章二十七句

瀆靈趨

上命建

北海神廟於撫寧而吉林之松花江

盛京之遼河渾河並崇

廟祀

四巡方屆次第觀成爲

瀆靈趨第四

繡江水一源分左有松花鄂諾如抱如環右則渾河

遼水襟帶郊甸

叶滋演

崑脈護

橋山千里赴海來朝宗

叶

上連天漢氣自通

叶我

皇臨觀偉厥功

叶

斥帑度地

叢祠興

叶

瀆靈趨走効駿奔

谷王稽首爭後先棧壑納費航獻琛

叶

稽我

王委利涉川灌輸吐噏循周原循周原億萬載拱

神京

叶

右

瀆靈趨一章十九句

朝

三陵

上以古稀二天子朝謁

三陵而

堯趨

舜步健比

天行爲

朝

三陵第五

於昭

列聖在

天我

皇對越明禋

啟運

積慶蜿蜒永懷

弓劍橋山

天柱

隆業嶙峋東西

二陵巍然

四巡展謁益虔

聖躬健以行乾

陟降禩室不遠

叶

至誠優見愜聞疊嶺拱衛雲奔

長白北鎮嚴尊俯視列岫兒孫燔瘞懷柔百神神樹
謾謾風煙金支翠旌翩紛十三闕鞏具陳小白大白
騰鸞昭示奕禩雲初居歆

至德惟勤

帝錫難老億齡

叶

右

朝

三陵一章二十一句

秩功宗

上祀事咸修崇懿親逮勲佐爲秩功宗第六

秩功宗書竹帛際會乘風雲聲容洽金石英姿翊軒
造侑食躋旦奭麗牲石闕高懸受饗羣靈後先功臣
蹈舞聲傳矧迺

天潢派連

詔爾仲叔季弟幼子童孫聽朕言本支奕葉克恭克
慎惟象賢

右秩功宗一章十四句

燦壁奎

上欽定四庫全書分藏

盛京之文溯閣

右文典學嘉惠藝林爲燦壁奎第七

祕閣峙壁奎光騰析木燭銀潢

署文溯標天閭

麗三辰裨五嶽擁百城府羣玉綜藝畧賅志錄

遼瀋陽瀛海裔栢處鳴菁莪蔣

景運昌

前光熾

右燦壁奎三章章六句

百國會

上御行幄外藩諸扎薩及蒙古王公朝賀迎

覲者輻輳宴賓加優爲百國會第八

崇政

建中

皇儀

帝容百國率從樂浪東陬冠帶氊裘近悅遠柔鱗集

仰流

叶

津航陸驅琢旅跋途包匭貝琛侏昧兜任咸

獻懋忱班序鵠鸞滅貊烏桓儷彼呼韓陪位辟公鞠

脞輸忠肅肅雝雝悉主悉臣蹈德詠仁祝

壽萬春

右百國會一章三十一句

福穰穰

上禮成行慶施惠旋蹕萬景蒙庥爲福穰穰第九

六飛發兮珠露灑

六飛旋兮元旂揚按程究澤福穰穰展采敬事進秩
酬班行雞竿肆赦三輔蠲輸將蹈詠耆耄謹謠童稚

鼓腹喧耕萌

叶

至人推孝思依古無與尙

叶

太史簪筆紀實歲在昭

陽上繼癸甲戊戌爲

四巡

叶

唐哉皇哉慶成萬葉垂

堯章

右福穰穰一章十六句

聖駕東巡恭謁

祖陵歌辭十篇

謹序

紀昀

臣聞德莫大於孝孝莫大於報本追遠孝至於報本追遠則推而下之仁愛有所自溥溯而上之率由有所自承三代聖王所謂至德要道者均不外是然經籍所載皆禴祠烝嘗致嚴宗廟其躬詣山陵者惟武王祭畢一事後亦不聞其續舉豈古文朴畧記錄不詳抑書缺有間歟漢始有上陵之曲歷代相沿爲故事大抵近者在郊畿遠者因事告謁而已未有涉越關山往還

三四千里先事戒期如我

皇上之特致精禋者亦未有深慕積誠閱久彌摯不

憚一至再至三至四至如我

皇上之疊舉殷薦者蓋我

皇上明天察地

聖孝純真性情之蘊結者深故精神之感通者遠非
惟

音容所接愜優如親并本本元元上溯

發祥之所自非惟升香

清廟昭格

鑒臨卽

橋山弓劍之藏皆

永慕不忘恒思瞻仰且我

皇上法天行健無逸永年

壽考維祺升恒久照逾

七袞而彌康故能涉閱川原

親抒誠懷

翠華四莅而不以爲勞信乎愛敬之忱爲自古帝王
所不及而精明強固之力足以自申夫愛敬尤

自古帝王所不能矣臣猥以雕蟲謬蒙

知遇出入館閣游佐夏官今恭逢希有之

盛舉固宜敷陳典禮作爲文章以昭示無極然竊念

輦路所經越紫微之野袤遼海之垠凡崇墉因壘之

墟盟津會師之蹟以迨城邑邱井爲

居幽營洛所締造閭閻士女爲服

教畏

神所遺留者自癸亥以迄今歲胥

宸章題詠分勒

瓊函久已並曜儀璘無待取光於螢照至於

寶篆瑤槭之尊藏

柏城山殿之裸獻百神河岳之懷柔

玉座彤庭之朝覲繪峯黼幄之燕饗則

詔令宣於綸閣儀章具於春卿

起居紀於太史炳炳麟麟照映金匱更無待管闕尺

度繪畫

乾坤之容惟是篤近舉遠

恩有自推行慶施惠驩心普洽若白鹿山左右諸部

若

留都宗室八旗父老子弟洎士農工賈若黑水白

山從

龍舊族若東藩之貢使莫不沾濡

膏澤額手而觀

大禮之成頌

湛恩之渥前歌後舞風諧響答此誠太和醞釀發爲
自然之元音是以鼓腹成吟擊轅中律特其千
唱萬和天籟自鳴不能著爲詞章書之簡牘恐
採風者無從而錄不揣弁陋謹摹繪其意諧以
聲韻爲歌十篇雖樸僊少文然語皆誌實尙冀

與康衢擊壤諸謠同鳴

帝鳩巨唐之盛焉其詞曰

振振麟角出自岐陽縣縣瓜瓞本支延長我承

餘蔭託身

天潢有事爲榮來奉烝嘗雖遠於京邑實我舊鄉歲
時禋祀助薦馨香

靈旂陟降宛接一堂凡屬孫子孰不願依

祖宗之旁況

聖主之惇敘榮我冠裳九族既睦邁昔陶唐今逢
展拜迓穆穆之

天光

眷懷一本

訓迪周詳瓊牋寶墨宣

奎章提挈萬化以孝爲綱

寶城四詣不憚道路之風霜凡我宗人執事有恪敢
不獲

右宗室所歌

萬年之木木必有根萬里之川川必有源翼翼神皋
實

肇迹之岐邠我里我宅近日先溫

帝謁

珠邱緬懷舊勲大饗從饗福既後昆曰昔乃祖附鳳
之翼攀龍鱗緜緜延逮於子孫其練乃弧矢無忘
教戰之

軒轅至於耆艾亦

重熙累洽之所存

龍光渥錫膏露油雲衆拜稽首曰

皇帝之恩

皇帝曰於繄

祖宗之仁

國之元氣在本原鞏固我始基曰熾日蕃

右八旗所歌

平岡旣遷我爲烏桓互市三邊我泰寧朵顏

大聖人出日中天靈夔震吼艾我旃我十四貝勒駢
首徽纒九白從此修貢虔太平安樂百五十六年

皇帝上

陵迓我白狼山我所置頓不過數椽我所上食不足
登

御筵羽林十萬帷飲我泉不擾我特與我健乃

念我族帳昔

太宗皇帝所矜全人隸僕圉

賞賚大頒婦子膜拜皆大喜歡

皇帝大德光於

前萬八千歲福祿縣縣

右蒙古諸部所歌

孝治天下不遺小國之臣今我來庭信古所云我密

邇

上國夜柝相聞覺華島之歸命維

太宗之仁世守我蕃封職貢維勤我以一介逐

皇帝東巡許陳我筐篚我惻得申燕賚便蕃邁我等
倫果叶我吉占曰利用賓況

錫我以

聖藻煥乎

堯文光我東土晃耀乎扶桑之暎金縷寶纘傳示子
孫曰

天子錫類下國亦浴以

鴻恩知神州赤縣無不含和而飲醇

右朝鮮貢使所歌

梧桐萃萃生高岡周京吉士歌鳳凰辟雖初建流湯
湯振興鐘鼓從文王

太祖應運出震方

臨軒策士登賢良

太宗繼起提天綱經文緯武化益光近

聖居者惟我鄉百年服

教今不忘邇來星驗聚奎祥

詔移瓊笈柱下藏青袍彌慶儒道昌况逢

法駕來瀋陽泮水添注

恩波長鬢宮廣種芹藻香咸以作人

壽考祝我

皇萬年幹運符乾剛他時

翠華來幸更福我膠庠

右學校所歌

豳風七月王業所基烝我農夫皆

開國之所遺我高曾祖考驅犢荷犁託

聖人之宇聚族而畚菑於時阪泉涿鹿戈甲雲馳其
折衝者惟八旗我耕田鑿井恬然不知熙熙皞皞至
於今茲惟

皇帝奉

先思孝臨我東維除迨清塵官吏所司餼糧芻秣弗
損我貲獻芹獻曝愧無所持

帝念我農人乃

雨露以滋百年培養

列聖之慈愛無不愛維

帝其體之皤皤黃髮對語杖藜此樂非但從此時癸
亥以來閱四十載前後

四幸皆如斯

右農家所歌

三代以還藝事日增遼水以左我

國家所

龍興土風淳朴自我高曾奇技淫巧皆我所不能鳩
材庀器惟日用之恒

皇帝大孝祇謁

山陵肅肅鉤陳

黼殿幔亭雖庶民子來弗勞以經營茅茨土階或積
數楹操斤荷脊受值倍贏卽綢繆苞桑葺我金城萬
杵操作築之登登僱役亦足以代耕至哉

儉德

家法欽承對越

在天

世德相仍宜乎

帝車時邁南涉越角北上遼京西踐參墟東觀我大
瀛間并不擾惟聞載路之頌聲

右百工所歌

雲帆轉海泛舶青齊牽車服賈達高句驪松漠柳城

西北通達駕鹿使犬亦水筏山梯

神都形勝川陸會歸百貨輻輳隸首所莫稽

變輅東來萬乘雲隨利市三倍頓使我家肥征權弗
增坐擁我貲維

皇帝吉蠲孝饗

神降以蕃釐歛福敷錫蔭及蒸黎使我販鬻亦囊篋
累累我

東都之望

幸安能不跂足而企之

右商賈所歌

長白嵒寵三江瀛浴萬年王氣蟠其中朱果誕

聖天所鍾

丕基旣建不忘

后稷之舊封置三將軍分扼其衝謁

陵前度

御六龍紆途逕此觀民風今從營府來遼東降蹕西

望雲嵐重幸我

聖主醲化旃幪山川修阻

雨露同有邵不異鎬與豐

皇帝大孝緬

列祖

列宗念

開創之所從使我一草一木皆豐茸我歌且謠樂融
融願與公劉諸什永永諧笙鏞

右東三省所歌

聖人之法嚴戢姦頑根莠不翦恐蕪彼良田
聖人之心則無不矜憐因事肆眚曲予以生全惟古
者泰壇有事賞濫費繁薦馨

上帝或曠隔有年故其赦令多以南郊親祀而宜惟
皇帝昭事

穹昊日之南至必詣

圜丘以告虔歲歲不可以屢赦故因謁

陵之典而金雞揭竿蓋禮以義起侔事

祖於事

天我瑕已滌我慮已湔我其易輟改絃以潔白自完
以無辜

聖主之陶甄

右赭衣所歌

聖駕東巡恭謁

祖陵雅十篇

謹序

曹文植

欽惟我

皇上敬

天尊

祖誠民格

神禮樂彬郁治化翔洽

篤念

盛京爲

帝業所基

永陵

福陵

昭陵

靈爽式憑自癸亥甲戌戊戌三舉

親祀之典茲屆癸卯時和歲豐

神貺渥罔迺誨吉曰

啟蹕山莊由八溝取道喀拉沁部落前

蒞遼瀋次第展謁

寶城誠昭孝格溥海內外含靈賦性之屬靡不萃厥
懽心普承

綏祉

臣沐

內廷蒙養親炙

聖教至深且久茲逢

大禮慶成雖未獲預扈從之班而

盛典鴻庥倍逾往歲誠不敢不有所紀述而又不

襲符命瑞應之諛詞以進

臣

伏思之

臣

聞政有

小大故有小雅焉有大雅焉正義曰大雅所陳
受命作周伐殷繼代荷先王之福祿尊祖考以
配天醉酒飽德能官用士澤被昆蟲仁及草木
詩人歌其大事制爲大體是以有周哲王功德
隆盛著於篇章與世無極我

大清

列聖造邦雲雷締構得天下之正自古未有

皇上纘承洪緒動準

先猷伏讀

聖謨洋洋無非推闡

光烈大著

天人感召之所由來俾萬世子孫臣庶誦慕無旣矧
茲

山原四觀孚迺嚮習翕受宏多自非文王生民諸什
不能形容萬一且是行也於

祖

宗懋建之業加光顯焉於

祖

宗有待之志彰美備焉及夫

推恩錫羨

闔澤覃敷悉本

祖

宗良法美意以鞏我

國家億萬年丕丕基猗歟盛哉聖王之政孰有大

於

今日者乎

臣

不揣固陋竊取大雅詩人之義謹擇其

詞旨有合於

聖治者敬以名篇

世德世德作求也

皇上四謁

祖陵先於春月謁

西陵復於

迴蹕謁

東陵禮行歲徧勤求

祖德也

於鑠

皇清

世有

聖德滿珠發祥橫甸立國如日生於東如星拱北遂

定藩遼

天授非人力

一章

松杏戢戢大凌湯湯撻彼明師

天威奮揚乃卜燕都奄受萬方重熙累洽燕翼我

皇

二章

皇帝曰都厥維艱哉維

天維

祖

宗日監在茲四十八載兢業萬幾

守成之難

創業同之

三章

于邁大東憬念

鴻猷仰瞻

珠邱鬱乎松楸自西徂東

精禋歲周通微合漠

祖烈

孫謀

四章

右世德四章章八句

繩武繩其祖武也

盛京俗儉風淳穆然見

祖武之遺焉

煌煌

祖武

一德繩之崇儉斥奢勿踵而增明明

皇祖訓一衣十衣寧布毋繒旣差我馬何取乎鉤膺

一章

思我

烈祖謨遠且詳衣冠文字率由舊章我

皇申告誡敦崇國俗奕葉勿忘

大清億萬年而熾而昌

二章

爾宅爾宅爾田爾田或漁于江或獵于原

帝曰勉旃維木有本而水有源

開國規模萬世秉宣

三章

右繩武三章章九句

升香其香始升也重修

盛京

壇

廟告成承

靈億而至治馨香也

帝王有真衆上

尊號乃築

園壇

多福是報昔址歸然

昭事克紹青陽玉葉升香昭告

一章

維北有

澤義協六宗

地得一以寧用瘞黃琮我

祖受

釐施於

皇躬聿恢矩制輯福攸崇

二章

奕奕寢廟古制在左棖桷維新

太室侑妥

祥開白山

瑞毓朱果六王配

饗

天寵是荷

三章

拜

天鉅典乃築

闕堂我

朝家法遠邁百王昔

征九部昭告精誠

叶

是修是葺迓福穰穰

四章

天

祖錫羨陟降在茲丹雘重輝孔惠孔時

大禮維履介我純熙

陪都制度協於

京師五章

右升香五章章八句

新命其命維新也

五朝冊寶景命萬年寶玉既瑑爰奉其

舊存者尊藏

盛京

太廟鴻名與日月長新焉

景命維新

揆文

奮武宙合尊親鴻名萬古

一章

和闐獻琛追琢其章敬奉

金函藏於

舊邦

二章

在昔察哈爾奉

璽來歸

大寶曰位式干九圍

三章

於穆

五帝堦埏同春我

皇是則盛德日新

四章

右新命四章章四句

溯澗溯其過澗也四庫書籍再告成恭貯

盛京文溯閣義取溯澗

御製文特闡發焉

溯澗求本大哉

王言守文之世毋忘

創業之艱譬彼泉水爲淵爲源津而溯之體用斯全
敬釋

奧義珍此簡編

一章

開國之初文館肇立三院繼之矢其文德

文思

文明牖民建樞紹茲

聖緒釋思

祖德曰書同文一統萬國

二章

維星有壁光燭東方在濬之陽在

帝之京

叶

戔戔

寶閣日月垂光朔之時義大矣哉

繼序思不忘用繇我

國脈文治商皇

三章

右溯澗三章章十句

豐垣維豐之垣也

盛京所屬郡縣十八城城工告竣於

帝之里如豐垣焉

維豐水有垣大業肇開矧我

盛京

神聖所培

六飛臨蒞巍哉振哉垣墉其勤哉

一章

司空承

命匠人奉職大沛我

國帑借我民力民相謂曰世世戴

帝德毋怠毋忽

二章

登登馮馮畚鍤聿興維衆志成城以莫不增長濠帶
環高墉雲蒸億載是承

三章

阪泉師興有征無戰取彼嚴關爲我畿甸閱二百年
功成善建鴻圖鞏奠

四章

右豐垣四章章七句

作孚萬邦作孚也

國家聲教洋溢盡天所覆

東巡受朝則蒙古諸藩朝鮮屬國徵作孚之化焉

天與人歸作孚兆

初基四十九部及高句驪撫摩而提攜之

一章

越播

皇威二萬里如砥流沙以西我赤子况爾藩居近在

帝里

二章

嘉爾世臣來迓欣欣

行館詵詵媚茲

一人

寵賚用申

三章

念爾禮義邦

雅化洽溥式歌且舞爾世世子孫長隸

化宇

四章

右作孚四章章五句

錫類永錫爾類也

禮成行慶旣徧臣工遂乃優老育才肆射賞功蠲租

肆赦

恩詔屢頒咸被

錫類之仁焉

永錫爾類我聞自昔

今茲布大政烝哉陳錫

賜餉

賜爵爾祿爾秩一章

番番耆老覲瞻盈道

皇則予之曰栗曰絲百歲者有加禮亦宜之

二章

榆枌淳朴

文教久則徵譽髦斯士庠序普增

壽考作人醲化蒸蒸

三章

勗哉師武臣射則命中凡熊羆之士

嘉爾有衆勉思

祖功千城樂用

四章

土厚泉滋實穎實粟粒我烝民倉庾盈溢

特免來年租藏富爾室

五章

刑期無刑

帝德有焉

軫爾罹於愆曷由自新

叶

三宥懽呼好生

德如

天

六章

右錫類六章章六句

天章爲章于天也

皇上四詣

盛京述

祖德宣民隱

大文炳蔚若雲漢之章于天焉

維

稽古

右文維

帝作典謨發爲歌詠

天章煥乎

鉅製四哀六義紛臚若日星燦若雲霞敷萬彙萬狀

元氣卷舒兩漢三唐陋荆玉與靈珠

一章

全韻百六部

綜詠顯融

陪京四幸

對越欽崇揚我

祖功赫赫隆隆述我

祖德祇祇翼翼情深文明事

存事

生愛戴我

先聖興起興誠

二章

鉅岳極天天地左海

藻思粹發高深奮采維爾有館維邨有室風和物阜

孳乳蕃殖維

慶基肇茲民治民懌

帝庸作歌徧爲爾德

三章

右天章三章章十二句

受祐受天之祐也

聖壽逾七旬法

天不息往還三千里典盛儀隆

聖躬益健

蹕旋展覲喜洽懽騰蓋

天

祖俾

受多祜萬萬年如一日也

維

聖受多祜位正命凝

古稀天子莊敬日增緬昭陽之歲

崇祀

橋陵霜露四十易

懋典四承

一章

維八月旣望鳴鑾自

山莊

周巡紫塞候均暄涼逾秋涉冬三千里并疆

誠敬訢洽

天體怡康

一章

登拜禮詳

聖心滋益恭洞洞屬屬肅肅雝雝萃萬國歡心仰格

蒼穹自今來祀

乾健日隆

三章

嘏以慈告

孝孫有慶

天錫大寶命金甌鞏昌

斂時五福覃及萬方比戶屢豐和氣布揚

四章

我

祖介繁祉縣縣瓜瓞天潢蕃衍淑慎惠哲我

皇樂含飴孫曾成列聰聰

彝訓

文謨

武烈

五章

玉輅言旋陽月熙和致告

寢殿綏福孔多迺

莅正朝拜舞有儀

叶

受

天之祐維以遂歌

六章

右受祜六章章八句

聖駕東巡恭謁

祖陵樂府十二章

謹序

陸錫熊

臣

聞樂府之作所以述宣功德體視賦頌尤鏗

鏘炳耀足以震盪耳目漢代有重來上陵二曲

爲上陵食舉樂府重來辭不傳上陵則惟侈言

神恠不稱臚聲纂實之義

臣

竊陋焉伏見我

皇上睿聖嗣服道隆守創丕冒無外永維

祖

宗肇邦受

命佑啟我

國家祇祓對越三率

彝典東謁

闕寢蒸蒸之思夙夜滋虔迺以今歲仲秋

時巡

京藩展事

三陵

慕忱齋格肸蠁昭融還

莅舊都章式剪備

達孝所暨萬禋畢從跨周轅虞無所與讓至於億神
誠民綏遐勤紀經文緯武所以崇天聲垂軌物
有加於昔者尙數十事舄奕版策不事殫記

回蹕禮成卿士庶尹百執事胥効賡頌臣愚誠不足

摧挖萬一而恭逢

嘉會翼翼之私不敢以輕薄自解輒指事件繫仿古
樂府譜調別題篇目編爲十二章詞淺義直庶
令籥工轅童皆得諷吟有以發揚

聖天子盛德庥光傳示無極

臣

誠懽誠忭拜手稽首

謹上

聖節受釐

山莊發軔良辰協吉順天行也爲壽星明第一

壽星明揆煩黃紛嘉況臨

瑤闔東鵜西鰈咸會稽首上

皇帝千萬歲熙沆碭詹秋期結霽雲碎華芝前驅入
神大丙奉駢

惠迪吉天門開招搖指東之畿肅肅四面歡侯來

蹕路經藩部蒞邊門所過鞠脰奉觴歡心允洽也爲

柳邊青青第二

柳邊青青以紆亭亭罕堵波路轉興中墟和龍左令
支右別部保塞各各安鄺閣昔甌脫今天泰

翠葆容與鞞紱俠塗齊負弩采椽不斷構

行宇擁篲清塵職守土積蘇衣都曇鼓筵開詐馬旌
門拜舞

陛下萬年中外主

三陵謁祭備物升馨光

孝思循彝典也爲高山作第三

高山作基庥祥

天祚德九州享淵穆穆

聖重光迪

孝熙寅烝嘗子有慕眷舊邦鞏

穀林龍蜚鵠辰長白襟三江

帝來覲芬蕭薌越淹茂湖尚章歲不居懷秋霜四展

祀昭

皇誠

容有睟儉若望榆之樹盼幄張石馬馳嘶靈風陳廣
牡臨齋房舞八溢鏗琯鳴

神在天感洋洋承放弗歆嘉觴祐

孝孫慶無疆

五朝冊寶奉藏

盛京

太廟對敷鴻庥昭無極也爲章

神烈第四

章我

神烈於昭于天揚徽熙號玉檢瑤編練吉日格

新廟千祇翊從鸞旂前導芝栢霞拱盤龍琅函瑯几
當中赤文綠字光熊熊奕世侑

德饗

功日月照耀垂無窮

御盛京

崇政殿受朝遂

錫愷宴大和會也爲

聖當陽第五

聖人當陽

崇政朝百辟仗衛從從濟蹕劍舄

堯階采茨重阿閣德羽集十亭岩帶法會陳函宮吐
角觥八音沛父老南陽親在鎬愷樂宣

皇仁

朝鮮國王遣使起居

賜詩嘉寵文軌大同也爲平壤朝第六

平壤衆幣朝

天謁者引鄉父閭前使者嗛嗛致辭臣祿拜表丹墀
帝嘉守禮庸作歌搏桑東被

光華多慶尙全羅鯨波澎湃沾

朝恩咨爾世世奉職修東藩

盛京鼎建

文溯閣分庋四庫全書義符過澗經籍道光也爲

水之瀾第七

水之瀾導崑崙

聖之文繹義軒圖書甲乙丙丁

淵

源

津薈桃三層淮南浙之西波漑褒帽榮幽居臚編

秘閣爰三萬六千星摘穎長恩守樞以環列太乙吹
藜而來下文館崇儒遡冊府

文皇文思

帝稽古東壁揚輝慶繩

武

勅繕治奉天屬城葺工

臨視壯觀瞻固封守也爲屹金郭第八

萬雉屹金郭煌煌衛京雒賦丈給水衡鳴鑾喜偕作
鐵爲壁湯爲池丹譙粉堞蕩蕩開通衢

帝臨省厥成重臣履視咨周行思艱圖易民咸寧不
見永安橋長虹倚疊道

祖澤千春儷穹顙

王迹肇基興懷

祖烈川原諮攬卽事

摘吟

命皇子彙錄函藏闡

先猷式

明訓也爲漢昭回第九

漢昭回

天爲章震耀金石諧宮商經過懷

聖蹟松杏山河長壁壘屯風雲旌旗尙飛揚思

王業

王業多艱難

詩以言志造化迴斡歸毫端

守成慎永圖蒙

庠憬貽安二復幽風篇欽哉永寶以弗諼

咸秩山川崇建祠宇上下

神祇咸受職也爲萬靈趨第十

拱

玉鑾萬靈趨視公侯般徐徐句驪東梁相灌輸納嚼
皓旰流英裁鼎祠墀

神之掄周流常羊橫泰河遼東復遼西突兀醫巫閭
絡以大瀛海升香綈豫通虛無和風甘雨溟不波登
高樓臨碣石萬里青銅點颿黑

行慶推恩

澤覃豐鎬宏錫類也爲湛露滋第十一

湛露滋萬物各遂生復租稅吏不呼門九年儲無待
三年耕旗莊差次貸減困粟滿盈校官歌鹿鳴弟子
增員遊膠庠咸禮讓無所爭雞竿子子視罪輕重弛
其刑存問高年束帛異綰守吏

賜爵一級暨從官下有司書姓名

聖德普覆如天葆樸含淳同樂太平

鑾迴蕙成格

廟班朝鉅典喬皇

天庥滋至也爲慶

蕃釐第十二

蕃釐來成慶馮馮

昌瑞祇薦百福同

帝車迴杓

臨紫宮秉鬯

太室孚

天衷微垣端正開明堂華鍾鐸洋洋八風卿烟入呂

曦瞳矐皇哉

孝治格

祖

宗延洪

純算曩華嵩光被四海登熙邕